

蟲

薈

卷一 羽蟲二毛蟲三昆蟲四鱗蟲五介蟲建德  
自國圖漢也案月令春其蟲鱗夏其蟲羽中央其蟲倮  
倮蟲毛冬其蟲介此五蟲見於經者大戴禮羽蟲鳳  
爲長毛蟲鱗爲長甲蟲龜爲長鱗蟲龍爲長倮蟲聖人  
爲長甲蟲卽介蟲其名與月令同是書作昆蟲不合五  
蟲之目據夏小正昆小鼎傳曰昆者衆也猶覩覩也覩  
覩者動也小蟲獸也如傳言昆之義爲衆引申之爲動  
凡小蟲之動者曰昆蟲則昆蟲自有一綱矣說文出字

下云或行或飛或毛或羸或介或鱗以虫爲象屬同倮  
或飛者羽也或行者卽昆蟲以行與動同義也博雅如  
許君豈不知五蟲之名古無異義乃或行或飛或毛或  
羸或介或鱗必備舉其名不以五者而止則五蟲以外  
確有昆蟲可知矣然是書作昆蟲不作倮蟲者亦自有  
說羽蟲先鳳毛蟲先麟鱗蟲先龍介蟲先龜義本戴記  
若作倮蟲不能如戴記以聖人爲先亦不能從月令鄭  
注以爲虎豹之屬何也虎豹已入毛蟲也易以昆蟲置  
居其首此尤深得說文之意說文𧔧蟲之總名讀若昆

臥懋堂謂經傳言昆蟲卽𧔗蟲也然則𧔗是本字昆是借字而說文𧔗字之後卽次以𧔗此卽昆蟲先𧔗之證質之曉卿其以我爲知言否庚寅冬定海孫詒謀序

自序

鳥獸蟲魚雖於學士文人無所裨益然經子百家在所不遺博見廣聞蓋有取焉硯耕餘暇爰就陳編刺其大畧析爲五卷用付于民顏曰蟲晉惟摭拾難周尤深望博雅者之匡余不逮云

光緒十六年歲次庚寅夏六月己酉睦州曉卿方旭識

王運璋

范濬昌

表弟胡念修門下士

胡義培

宋樹榮

陳振文

朱懋德

校刊

程光澤

邵景棠

卷一

羽蟲

卷二

毛蟲

卷三

昆蟲

卷四

鱗蟲

卷五

介蟲

蟲蒼卷一目錄

鳳

山鳳凰

烏鳳

錦鳳

大頭鳳

桐花鳳

鸞

鵠雛

鸞鷟

鶴鶲

鵠鵠

藏珠鳥

蟹廉

鵬

希有

鶴

海鶴

鶴

鵠鵠

背明鳥

鶗鴂

鶗鴂

鶯

亞旣刺

弗思尼

鶴

鶲

陽烏

鶴

鴻

鵠

信天緣

漫畫

鶩

鴻鷺

喜日鶩

雁

鵠

霜信

鶴鶴

孔雀

驃驃

無對

吉祥鳥

雞

天雞

火雞

火雞

馬雞

海雞

潮雞

鵝雞

鷄雞

鶴雞

鶉雞

青雞

秧雞

英雞

杉雞

竹雞

矮腳雞

長尾雞

長鳴雞

翻毛雞

西洋雞

黃連雞

翻明雞

遠飛雞

司夜雞

雙睛

叶綬

善芳

傷魂鳥

蚩鼠

魁雀

鵠鵠

鴟鳴

菘節鳥

飛涎鳥

雉

鶴雉

鳩雉

驚雉

海雉

鳩

鶴

白鶴

柴蒿鳥

當扈

象蛇

鵠

勝遇

鷗渠

鵠鶲

鶩鳥

鷺

朱鷺

白鶴子

旋目

鵠

鵠

鶴

鷺

虎鷹

鷹翼

鶻

崖

鷹

羌鷺

鶻

鷗

鷹

數斯

睢鳩

鵠

鵠宇

隼

獨姪

鵠

鴟鳩

杜鵑

鴟

鵬

鳩

梟

黃鳥

竊脂

獸鳥

老鶴

跂踵

鷺

橐菴

鵠

鵠

竦斯

青鸞

鳬蹊

瞿如

鷺鵠

甘蟲

蒼鶻

姑獲鳥

鵠鵠

鈎鵠

火鳥

治鳥

周周

金吾

鶡

酸與

欽原

帝江

鸚鵡

秦吉了

時樂鳥

鷯鵠

鴟

升渠鴟

鸚鵡

鶩鷯

鵠鵠

韓朋

鳬

冠鳬

海鳧

離渠

鶲鷗

鵠

鵠鵠

翠鈎

鵠鵠

鵠

鵠鵠

肥遺

鵠鵠

鵠

鵠鵠

鳥

鵠鵠

燕鳥

山鳥

奇嵐鳥

鵠餘

精衛

鵠鵠

鷺

鵠鵠

鵠鵠

鵠鵠

山斲木

鵠鵠

山鵠

練鵠

鵠鵠

丁母鵠

鶴鶴

帶箭

青耕

嬰勺

木客鳥

鷗

戴勝

朱來鳥

雲韶部

紅尋

我師

迎客鳥

端琦

鴿

鵠鳩

鰜

鷗

海鷗

芙蓉鷗

鰣鳥

澤虞

祝鳩

綠鳩

鵠鳩

青雌

灌灌

念佛鳥

鶲

反舌

鵠鵠

賓師

山鳥

除溪鳥

報春鳥

山和尙

兜兜鳥

鶲鶯

鶯

畫眉

桑屬

倒掛

燕

胡燕

石燕

海燕

護花鳥

卻火雀

王母鳥

鵠鵠

水雀

翡翠

魚狗

鱗鷺

紅桐嘴

雲霧鳥

雀

金雀

萬雀

靈雀

憑霄雀

白翎雀

竹林

剖葦

相思鳥

噉金鳥

鶲鷺

候日蟲

蟲蒼卷一

睦州方旭

羽蟲

鳳

爾雅 鳥鳳其雌凰

駢雅 長離瑞鶠鸞鸞鳳也

萇林伐山 足足鳳也

續廣雅 鳴鳥仁鳥鳳也

西番譯語 凤凰西番呼窮窮

譯史紀餘 凤凰高昌呼洗母兒哈百譯呼奴浪哈  
桂海續志 廣西梧州府博白縣有遠村號綠舍皆

高山大木上產鳳凰其大如鷺五色有冠遇天氣清明則雙雙飛出羣鳥無不歛翼俯首焉

論語註疏 鳳象麟前鹿後蛇頸魚尾龍文龜背燕  
領雞喙五色備舉出東方君子之國翱翔四海之外  
過崑崙飲砥柱濯羽弱水莫宿丹穴中國有聖人在  
位則至○旭按自來說鳳凰麒麟者皆曰必聖人在  
位而後至不知鳳凰麒麟乃和氣所生蓋和氣鍾於  
人則生聖人鍾於物則生麟鳳麟鳳之生不必限以  
地麟鳳之來亦不必限以時也說詳委宛子指瑞篇  
宣室志 貞觀中有鳥青色似鳩止於睢陽之郊羣

鳥率其類列於左右銜蟲稻以獻李翹曰此眞鳳也

羽毛攷異 鳳尾十二翎遇閏十三翎

竹書紀年 鳳不食生蟲不履生草

大戴禮 羽蟲三百六十鳳凰爲長

本草拾遺 凤凰棲處掘下二三尺有物圓如石白似卵者名鳳凰臺水磨服治驚癇

正字通 或說東方曰發明南方曰焦明西方曰鶴

鶴北方曰幽昌中央曰鳳凰以及雄鳴節節雌鳴足足行鳴歸嬉止鳴扶提夜鳴善哉晨鳴賀世飛鳴郎都之說雖見爾雅翼廣雅韓詩六帖然皆不足信至

五方鳳鳥爲瑞者一爲孽者四鵠鶴疫之感發明喪  
之感焦明水之感幽昌旱之感尤妄誕無據又或以  
鷺鷥爲鳳凰亦誤

山鳳凰

桂海虞衡志 山鳳凰似鷺嘴如鳳巢兩江深林中  
伏卵時雄者取木枝雜桃膠封其雌於巢內獨留一  
竅求食飼之子成即發封不成則窒竅殺之

烏鳳

桂海虞衡志 烏鳳出桂海左右兩江峒中大如鵠  
色紺碧頸毛似雄雞頭有冠尾垂二弱骨長尺餘至

杪始有毛形畧似鳳聲清越似笙簫能度小曲合宮商又能爲百鳥之音然極難得

錦鳳

談蒼 軒渠國有九色鳥青口綠頸紫翼紅膺丹足紺頂碧毛細背元尾名錦鳳又名九尾鳥

大頭鳳

赤雅 大頭鳳大如鶩五色金冠尾甚長諸鳥見之伏不敢鳴間爲猛獁所射必獻其主肉備眾美緝毛成裘涅而不繙

桐花鳳

王漁洋精華錄註 桐花鳳日間聞好香則收藏羽翼間夜則張而放之故一名收香倒挂又名探花使性極馴好集美人釵上○旭按或說桐花鳳卽倒挂然倒挂與桐花鳳不同者五桐花鳳小而倒挂大一也桐花鳳有冠倒挂無冠二也桐花鳳五彩倒挂遍體綠毛三也桐花鳳能收香倒挂不能四也桐花鳳桐花時有之倒挂四時皆有五也而說者指爲一物蓋因桐花鳳一名收香倒挂倒挂一名綠毛么鳳由此而誤耳周氏閩小記旣明其爲兩物而又以收香倒挂爲倒挂亦誤

廣輿記 桐花鳳產四川成都府小鳥也色紅碧生  
桐花中花落卽死

鸞

駢雅 雞趣鸞也首翼赤曰丹鳳青曰羽翔白曰化  
翼元曰陰翥黃曰土符

續廣雅 朱鳥鸞也

談薈 話似鳳五彩而多青色

鵠雛

談薈 鵠雛似鳳五彩而多黃色

莊子 鵠雛非梧桐不止非棟實不食非醴泉不飲

蟲者卷一  
鸞鷟

談舊 鸞鷟似鳳五彩而多紫色

鶠鶠

談舊 鶠鶠似鳳五彩而多白色。旭按此與下雁屬之鶠鶠異

鶠鶠

爾雅正義 鶠鶠一名雜縣海鳥也高八尺。旭按坤輿外紀云海鳥有二種一種宿島中常飛海面海船遇之可占島之遠近一種常在海中不知登岸彼人以皮布水面藏鈎餌中置皮上誘鳥食而獲之據

此則鷦鷯蓋宿島中之海鳥與又八紘譯史云莫斯  
哥未亞產亞爾爵虛日鳥海風至冬極大舟楫難行  
其鳥巢於海一歲一乳自卵至翼恰半月內  
海靜無風商舶待之以濟此亦海鳥並附錄焉

支雅 鶷鷯似鳳

藏珠鳥

談薈 瀘州有藏珠鳥似鳳紺身丹翼鳴則吐珠

蜚廉

談薈 蜚廉鹿身雀頭有角蛇尾豹文毛五彩一名

龍雀又名飛龍

天祿識餘 蜇廉神禽也能致風雨

鵬

正字通 鵬梵書呼伽樓羅俗呼大鵬金翅鳥○旭按或說此鳥能以翅扇海令水開覓龍食之

談薈 林尙書瀚於內庫見大鵬翅管中可容兩人坐公自作記

公餘雜志 鵬精溢出墮石上者曰石錘浸酒服之能壯陽可御百女

希有

正字通 崑崙有鳥名希有赤喙黃目左翼覆東王

公右翼覆西王母

鶴

本草綱目 鶴千六百年則胎產故名胎禽其骨可爲笛糞能化石

正字通 鶴大於鵠長頸膝高三尺喙長四寸丹頂赤頰赤目青腳白羽黑翎古名仙禽一名露禽影生俗說雌雄相隨如道士步斗履其跡則孕

續廣雅 陰露皋禽胎仙鶴也

西番譯語 鶴西番呼切零

廣輿記 鶴產通州泗州及松江其足有龜紋者佳

談薈 鶴產他處者腳黑產通州興化者腳綠

考槃餘事 鶴仙禽也於物爲多壽感於陽故鳴於子雄者聲聞數里雌者聲下不揚江陵及揚州有之惟華亭所出爲得地相法但取標格奇古唳聲清亮頸細而長足瘦而節身欲人立背欲直削蓋身橫則類鶴鷺頸肥則類鷺雁矣隆鼻短口者少眠高腳疏節者多力頂紅者喜鳴睛赤者視遠龜背鼈腹者善產鳳翼雀尾者善飛輕前重後者善舞洪髀纖指者善步畜者勿以熟食飼之使之精彩

羣芳譜 鶴四月伏卵雄者爲衛雌者起則啄之見

人窺其卵則破而棄之

活幼全書 鶴卵煮與小兜食解痘毒

談苑 李昉呼鶴曰仙客

海鶴

譯史紀餘 海鶴高五尺吞常鳥如食鮆鱠島中小兜亦避之其頂貴同金玉

鶴

正字通 鶴大如鶴青著色亦有灰色者長頸高腳頂無丹兩頰紅關西呼鵠鹿又呼鵠捋山東呼鶴鵠又呼錯落南人呼鵠雞江人呼麥雞○旭按此卽爾

雅之麋鵠也正義云似雁而黑好高飛

鵠鵠

本草綱目 鵠鵠一名鷺鵠一名扶老水鳥也出南方狀如鶴青蒼色張翼廣五六尺舉頭高六七尺長頸赤目頭項皆無毛頂上二尺許紅色如鶴頂喙黃而扁長尺餘喙下有胡袋爪似雞黑色性極惡能與人鬪好啖蛇及烏鵲食其肉令人健走及奔馬

飲膳正要 鵠鵠有黑者白者又有花者名胡鷺鵠  
正字通 鵠鵠樊光言似鳳凰景煥言卽鵠鵠並非

背明鳥

酉陽雜俎 吳時越嵩之南獻背明鳥形如鶴不向  
明其巢必對北聲能百變

鶠鳩

西山經 章義山有鳥曰鶠鳩狀如鶴一足赤文青  
質白喙其鳴自叫見則其國有謫火

淮南子註 鶠鳩木之精也

鶠鵝

正字通 鶠鵈一足鳥也一名鶠一名山蕭文身赤  
口畫伏夜飛聲如人嘯將雨則鳴明永樂時西域貢  
之上以問解縉縉對曰此名鶠鵈左肋有肉鼓右肋

有肉鐘伐鼓則舞鳴鐘則嘯試之果然

鷙

西北域記 鷙似雁一足

亞旣刺

坤輿外紀 利未亞產鳥名亞旣刺羽毛黃黑色高  
三尺許頭有冠鉤喙如鷹飛極高巢山頂上生子令  
視日目不瞬者留之其性猛能食羊鹿及百鳥

弗思尼

八紘譯史 度爾格產鳥名弗思尼壽數百歲自覺  
將終則聚香木一堆立於其上燃火自焚而死其所

遺灰變一蟲久而蟲復變此鳥○旭按列子云鶴掇  
千日化而爲鳥其名曰乾餘骨卽此類

鶴

正字通 鶴一名負金一名負金一名背籠一名皂  
裙或作皂君廣雅作皂幘陳無功作旱羣狀似鶴頂  
無丹長頸赤嘴翅尾黑俗名黑尻其巢如車輪卵如  
杯

鶴經 鶴一名鶴母北荒名老鶴又名鸞鳥自關而  
西名冠雀浙江蘇松名烏童鶴福建名烏尾鶴兩粵  
名灰鶴

本草綱目 陶宏景曰鶴有兩種似鵠而巢樹者爲白鶴黑色曲頸者爲烏鶴陳藏器曰人取鶴子六十里早蓋能羣飛激散雨也其巢中以泥爲池納水養魚蛇以飼子其伏卵恐冷取譽石以助燥氣

兩粵志 灰鶴大如鶴灰色去頂二寸許毛始丹及頸之半亦能鳴舞

禽經 鶴生三子一爲鶴

續博物志 鶴鳴俯雨仰晴

北夢瑣言 鶴遇石下有蛇能禹步令石轉

活幼全書 鶴卵與小兒食免出痘出亦稀少

鶴

北山經 太行山有鳥曰鶴狀如鶴白身赤尾六足其鳴自叫

陽鳥

本草拾遺 陽鳥一名陽鴟出建州似鶴而小身黑  
頸長而白

鶴

爾雅註 鶴鶩鷗也羣飛食魚又名鶴鷗俗名淘河  
○旭按卽淘鷗也足畧似人又名駝鶴

草木蟲魚疏 鶴似鶴極大喙長尺餘直而廣口中

正赤領下胡如數升囊若小澤有魚便羣抒水滿其  
胡而棄之令水竭共食魚

本草綱目 鶴鵠毛灰色如蒼鷺吳謬云夏至前來  
謂之犁鵠主水夏至後來謂之犁塗主旱其肉可食  
毛燒灰酒服治反胃

鴻

草木蟲魚疏 鴻色白狀似鶴而大長頸肉美於雁  
○旭按鴻與雁說者多言是一物不知鴻大如鶴雁  
小如鷺鴻色白雁著灰色今江淮并有之其飛止飲  
啄絕不相混并非同類

鵠

本草綱目 鵠一名天鵠大於雁白色亦有黃色丹色者湖海江漢間有之遼東尤甚毛可爲服飾名天鵠絨

飲膳正要 天鵠有四等大金頭鵠似雁長項入食爲上小金頭鵠形差小花鵠色花一種不能鳴者飛則翔嚮其肉微腥並不及大金頭鵠

支雅 鵠化猿

信天緣

履從西巡錄 信天緣類鵠色正蒼而喙長凝立水

際不動魚過其下則食之終日無魚亦不易地○旭  
按此卽信天翁也出滇中本草綱目名青翰又名青  
莊

漫畫

扈從西巡錄 漫畫類鷺奔走水上不問腐草泥沙  
唼唼然必盡索乃已無一息少休

鷺

本草綱目 鷺一名家雁又名舒雁又名兀地奴有  
蒼白二種及大而垂胡者并綠眼黃喙紅掌好啖蛇  
又能制射工蘇恭曰腹毛與小兒作枕避驚癇

西番譯語 鶩西番呼昂罷

槐西雜誌 鶩一雄一雌者十卵卽得十雛兩雄一雌者十卵必蝦一二父氣雜也一雄兩雌亦然父氣弱也

鴻鷺

拾遺記 蓬萊山有鴻鷺色似鴻形如鵝鵝腹內無腸外無皮肉羽毛附骨而生

喜日鶩

洞冥記 喜日鶩日出而舞又名舞日鶩

雁

通鑑卷一  
書經集傳  
陽鳥雁也

正字通 雁一名鴈一名翁雞一名沙鶴梵書名僧  
裟。旭按雁來自朔方又名朔禽狀畧似鷺毛蒼灰  
色卽野鷺也爾雅名鶴又名鵠鷺

本草綱目 雁有四德南北不失時信也飛有序禮  
也失偶不再配節也夜以一奴巡守晝則銜蘆以避  
矰繳智也

玉堂間話 雁宿必有奴圍而警察捕者俟天色陰  
暗藏燭於瓦罐中持棒者數人潛行將近畧舉燭便  
藏之雁奴驚叫大者亦驚頃之卽定又舉燭如前雁

奴又驚叫如此數四大者必怒啄之乃徐徐逼近其  
奴懼啄不敢復叫然後持棒亂擊所獲甚多

鵠

正字通 鵠毛有豹文一名獨豹又名鴻豹狀似雁  
足無後趾性不木棲

談昔 鵠無舌

霜信

夢溪筆談 北方有霜信似雁而差小色白秋深乃  
來來則霜降

鶴鸚

酉陽雜俎 鶴鶩似雁足短鼠趾出涼州

爾雅翼 鶴鶩似雁而長項綠色皮可爲裘

孔雀

本草綱目 孔雀一名越鳥又名越禽出交趾雷羅諸州大如雁高三四尺細頸隆背數十羣飛鳴曰都護雌者尾短無金翠雄者五年尾長二三尺毛有圓文五色金翠相繞如錢甚自愛護凡山棲先必擇置尾之所遇雨雪尾重不能高飛人因取之亦有俟其過斷取者然回顧則金翠頓減寇宗奭曰孔雀尾不可入目。旭按孔雀雄者頭有毛角長二寸許其尾

歲一脫夏秋更生其性好浴沙今畜者置於沙中飼以猪腸及生菜

西番譯語 孔雀西番呼兒罵斜

譯史紀餘 孔雀百譯呼奴永

嶺南雜記 孔雀產廣西肉味如雁能解毒惟會食其肉嗣後服藥必不效其卵使雞伏之初生綠毛三年生小尾小火眼五年生大尾大火眼

北戶錄 孔雀音影相接便有孕

天祿識餘 孔雀尾端一寸名珠毛

正字通 孔雀梵書呼摩由邏李昉呼南客能避惡

鰐鱉

正字通 鰐鱉水鳥也一名鶴頂一名鷄鵠其糞似薰陸香塗雜瘡

交州志 鰐鱉卽越王鳥出九真交趾大如孔雀喙曲長尺餘黃白黑色南人以爲酒器

無對

坤輿外紀 瓜哇有鳥名無對無足腹下生長皮如筋纏於樹枝以立身毛五采光耀可愛不見其飲食意惟服氣而已

吉祥鳥

山堂肆考 五台山有吉祥鳥甚大飛則四黃鳥導之四鵠從之

雞

古今注 雞一名燭夜

續廣雅 翰音伏雌時夜翼羽雞也

西番譯語 雞西番呼斜

韻府 雞有五德頭戴冠文也足博距武也見敵敢鬪勇也見食相呼仁也守夜不失時信也

公餘雜志 蟲入耳雞肉炙香塞耳中卽出

保和方 每歲立春日用雞卵一枚活地龍一條入

卵內飯上蒸熟去地龍將卵與小兒食可免出痘  
本草綱目 雞不可與葫蒜生葱芥李鯉獺糯米等  
物同食孟說曰雞有五色者黑雞白首者白雞黃首  
者六指者四距者死而足不伸者閹雞能鳴者并有  
毒忌食

活幼全書 出痘忌食雞子

蝴蝶環語 凡雞生卵無雄但取卵向籠內兜云與  
龜雞打雄卽令抱伏亦能出雛特色黑耳○旭按往  
歲在江淮會見人患目疾醫治不效後以雄雞卵合  
藥點之遂瘥然雄雞何能生卵積疑十數年終莫能

釋昨閱紀文達公筆記云以肥壯雄雞閉籠中縱羣  
雌繞籠外使相近而不相接久而精氣搏結卽生卵  
其大如指頭外有斑點向日映之中深紅如琥珀以  
點目青甚效行將蛇卵僞充者然照日中不作紅色  
乃知天下理之所無未必不爲事之所有祝卵成雛  
亦何異耶

致富全書 生雞以溫水洗其足卽不他適

酉陽雜俎 雞無故飛去家必有蠹

抱朴子 山中酉日稱將軍者雞也知其名則不爲  
害

志林 雞僧家呼鑽籬菜

綱鑑通俗 雞有四距重翼者龍也放之吉殺之凶天雞

廣輿記 天雞產陝西。旭按天雞卽爾雅之鶠逸周書之文鶠說文之丹雞也魯郊用之見爾雅正義本草綱目 天雞小於鷺雉而背文揚赤胸前五色如孔雀羽。旭按坤輿外紀載墨是可有雞大如鷺羽毛華彩味甚佳其吻上有鼻如象可伸可縮縮僅寸餘伸可五寸許怒則血聚於鼻正赤尾開屏如孔雀疑此卽天雞之類又神異經云北海有鳥高千里

亦名天雞

火雞

正字通 洪武初三佛齊貢火雞大如鶴高三四尺  
銳嘴軟紅冠毛色如青羊足二指爪甚利能傷人又  
能食火及鐵石○旭按此卽墨客揮犀之骨托禽廣  
輿記之駝蹄雞八絃譯史之鷮鳥也今呼駝鳥足如  
駝骨可充象牙

火雞

八絃譯史 滿刺加產火雞色紫赤能食火其卵壳  
厚或白或斑可爲酒器與產三佛齊者不同

馬雞

廣輿記 馬雞產峽西岷州衛嘴足紅毛綠色

海雞

譯史紀餘 海雞毛色似雞足似鼈

潮雞

談薈 潮雞聲長而清如吹角每潮至則鳴一名林  
雞其冠四開如芙蓉○旭按此卽本草之石雞述異  
記之同潮雞也又拾遺記云魏建安三年胥徒國獻  
沉明石雞赤色大如燕彼國人言此雞常在地中應  
時而鳴不爽晷刻

鶴雞

駢雅訓纂 鶴雞似鶴黃白色長頸赤喙○旭按此卽穆天子傳之鶴雞也日飛八百里

鶴雞

本草綱目 鶴雞似雉而大黃黑色頭有毛角如冠其當有被侵者直往赴鬪至死不已又呼勇雉

鶴雞

本草綱目 鶴雞大如雞長腳紅冠毛褐色雌者小而色斑亦能鳴入秋卽無

鶴雞

正字通 鶉雞冀州謂之澤特

逸周書註 鶉雞似鳧○旭按經義雜記云鶉雞乃  
翬雉孔氏以爲似鳧誤

青雞

正字通 青雞大於秦吉了而尾長○旭按卽翠雞  
也嶺南有之色青翠

秧雞

本草綱目 秧雞似小雞白頰長喙短尾背有白斑  
常居田澤中夏至後夜鳴達旦入秋始止

英雞

駢雅 密肌英雞也

正字通 英雞腹毛赤不能遠飛產澤州有石英處  
好食碎石英

本草綱目 食英雞令人肥健

杉雞

本草綱目 杉雞居杉樹下頭有長黃毛冠頰正青  
色如垂縷肉可食

竹雞

本草綱目 竹雞一名山菌子言其味也一名雞頭  
鵠又名泥滑滑言其聲也其狀似鶴鵠毛褐色多斑

文性好鬪捕者以媒誘其鬪因獲之其啼可避白蟻及壁虱

矮腳雞

本草綱目 江南有矮腳雞腳二寸許

長尾雞

八絃譯史 朝鮮產長尾雞尾長三尺

長鳴雞

桂海虞衡志 岳州谿洞中有長鳴雞甚高大終日啼不止。旭按雲南一種叫雞形小聲大晝夜啼卽此類

翻毛雞

桂海虞衡志 翻毛雞毛翻生彎彎向外二廣皆有之。旭按卽菊花雞也毛如菊花

西洋雞

嶺南雜記 西洋雞頭高尾趨與常雞甚異亦有黑白雜色諸種

黃連雞

隴蜀餘聞 雅州有黃連雞大如鴿黃白色食黃連

葉

翻明雞

藝文卷一

甲蟲

辛

洞冥記 翻明雞大如鵠而色紫兩翼下有目一名  
目羽雞

遠飛雞

洞冥記 遠飛雞曉飛四海之外夕還依人

司夜雞

洞冥記 司夜雞隨鼓節而鳴如一更則一鳴二更  
則二鳴又名五時雞○旭按東軒主人述異記云康  
熙戊寅冬杭州市中見小雞一對雄赤雌黃均大如  
畫眉貨者言是枕雞置高枕中半夜則鳴不爽時刻  
疑亦司夜雞之類

雙睛

拾遺記 帝堯時有重明之鳥名曰雙睛言雙睛在目也其狀如雞鳴似鳳時解落毛羽肉翮而飛逐猛獸羣惡使不爲害後人刻木鑄金或圖畫爲雞其遺像也

吐綬

古今注 吐綬一名功曹○旭按或名錦帶功曹  
本草綱目 吐綬卽吐錦雞也禽經謂之避株出巴  
峽及閩廣山中大如雞頭頰似雉毛黑色雜以黃白  
圓點如真珠斑領下有囊內藏肉綬常時不見每春

夏天氣清和則向日擺之頂上先出兩翠角二寸許  
繼乃吐其領下之綬長濶近尺紅碧相間采色煥爛  
踰時始滅然破腹視之仍一無所有陳藏器曰畜之  
可以禳火災汪穎曰食其肉令人聰慧

正字通 吐綬一名鵠

善芳

逸周書 奇翰善芳善芳者頭若雄雞佩之不昧

傷魂鳥

拾遺記 晉惠帝時常山獻傷魂鳥狀如雞毛似鳳  
其鳴自呼

蜚鼠

東山經 梯狀山有鳥曰蜚鼠狀似雞而鼠毛見則大旱

鼫雀

東山經 北號山有鳥曰鼫雀狀如雞白首鼠足虎爪食人○旭按此卽楚詞之鼫堆也

鵠鵠

南山經 基山有鳥曰鵠鵠狀如雞而三首六目六足三翼食之不卧○旭按漢太初時大月氏貢雙頭雞四足一尾鳴則俱鳴殆此類

鶠鳴

方言 自關而西曰鶠鳴自關而東曰城旦又曰倒懸周魏宋楚曰定甲又曰獨斃○旭按鶠鳴詩作盍旦禮作曷旦說文作鵠鳴唐詩作渴旦廣志作侃旦正字通 鶠鳴似小雞四足肉翅不能遠飛夏月毛五采鳴曰鳳凰不如我至冬毛落如鳥雛鳴曰得過且過丹鉛錄云卽寒號蟲也屎名五靈脂產五台山上○旭按八絃譯史云小西天產四足鳥大如鷺鳴似鶴肉翅能飛不能遠其雛胎生行則負之於背人殺之不祥亦此類也

菘節鳥

酉陽雜俎 終南山有菘節鳥四足鼠尾

飛涎鳥

外荒記 南海狗國有飛涎鳥似鼠兩翼腳赤色每至曉諸鳥未散前各占一樹口吐涎如膠然灑眾枝葉使他鳥至不能去乃食之。旭按此疑卽北山經之寓鳥

雉

曲禮 雉曰疏趾

本草綱目 雉大如雞斑色繡翼雄者文顯尾長雌

者文暗尾短性好鬪其交不再其卵褐色將卵時雌避雄而潛伏之否則雄食其卵蘇恭曰雉肉九月至十一月可食餘月宜忌。旭按雉一名原禽一名丹鳥說文云有十四種蘆諸雉喬雉鳩雉鷺雉秩秩海雉翟山雉翰雉卓雉伊洛而南曰翬江淮而南曰搖南方曰鶠東方曰留北方曰稀西方曰蹲  
支雅 山中酉日稱捕賊者雉也

埤雅 蛇交雉生蜃○旭按或說蛇交雉生蛟事類統編 雉尾陰則下垂睛則上豎

爾雅正義 鶴雉卽鶴雞也尾長六尺肉甚美語云  
二足之美有鶴卽此

鳩雉

爾雅註 鳩雉黃色鳴自呼

鷺雉

本草綱目 鷺雉卽金雞也逸周書謂之采雞又與  
鶴雉同名山雞與吐緞同名錦雞。旭按此卽尙書  
之華蟲也又名鵠鶴其狀似山雞而小冠背毛黃腹  
下赤項綠色鮮明見爾雅正義

廣雅蕩山志 錦雞每日午胸前雜毛叢起宛如錦

綬土人名錦綬若過午則斂又自矜其容臨水恒溺  
死

廣輿記 陝西湖廣廣東四川產錦雞

海雞

爾雅 秩秩海雞○旭按卽黑鶲也產湖南寶慶府  
山雞

本草綱目 山雞卽山雞也一名鶴伊洛江淮間有  
之其狀似雞而尾長三四尺甚自愛護若遇雨雪則  
岩伏木棲不敢下食往往餓死○旭按鶴羽可持而  
舞詩云右手秉翟卽此

廣雁蕩山志 雁蕩出山雞嘴腳並紅

翬

爾雅 伊洛而南素質五采皆備成章曰翬

鵠

爾雅 江淮而南青質五采皆備成章曰鵠○旭按  
此鵠雉也與下鷹屬之鵠異

白鶲

通雅 白鶲白鰉也

爾雅 韜雉鵠雉 註今白鶲也江東名白鰉亦名

白雉

本草綱目 白鶲出江南狀如山雞色白文黑如漣  
漪尾長三四尺體備冠距紅頰赤嘴丹爪性耿介其  
卵可使雞伏

廣輿記 四川安南產白鶲

廣雁蕩山志 白鶲雁蕩山谷中有之不畏人

清異錄 武宗號白鶲曰元素先生

談苑 李昉呼白鶲曰閒客

鳩

中山經 遙碧山有鳥曰鳩狀如雉恒食蠶○旭按  
此與下鳩異

鶴

爾雅 鶴鵠鳥 註似雉青身白頭

白鶴

北山經 單張山有鳥曰白鶴狀如雉文首白翼黃足食之已嗌痛可以已癰

柴蒿鳥

酉陽雜俎 柴蒿鳥大如野雞冠如戴鷩

當扈

西山經 上申山其鳥多當扈狀如雉而以鬚飛食之不眩

山海經  
卷之二  
象蛇

北山經 陽山有鳥曰象蛇狀如雌雉而五采自爲  
牡牡

鶡

比山經 蔓聯山有鳥曰鶡羣居而朋飛其毛如雌  
雉其名自呼食之已風

勝遇

西山經 玉山有鳥曰勝遇狀如翟而色赤是食魚  
見則其邑有水

鷗渠

南山經 松果山有鳥曰鷦鷯狀如翟而黑身赤足

鷦鷯

中山經 廐山有鳥曰鷦鷯狀如山雞而長尾赤如丹火而青喙其鳴自呼食之不昧

鷩鳥

大荒西經 栗廣之野產五色鳥有冠名曰鷩鳥  
註爾雅夢鳥卽此

鷺

爾雅註 鷺頭翅膀上有長翰毛江東人取爲睫襪  
名白鷺縵 疏鷺毛潔白故曰白鳥齊魯曰裔鉏遼

東樂浪吳揚曰白鷺○旭按卽鷺鷕也長頸高腳腳青色短尾尖喙長二三寸頂有長白毛數十莖與眾毛異今處處有之好食魚或說卽屬玉誤

正字通 鷺一名絲禽李昉呼雪客蘇軾呼雪衣兜海錄名帶絲禽杜牧稱風標公子廣記稱荻塘女子變化論 鷺目視而孕

朱鷺

本草綱目 似鷺色紅者名朱鷺一名紅鷺

白鶴子

本草綱目 白鶴子似鷺而頭無絲腳黃色

旋目

本草綱目 旋目水鳥生荆郢間大如鷺短尾紅白色深目目旁毛長而旋

鶴

正字通 鶴水鳥狀似鷺而大毛蒼白色雌雄以視而孕

本草綱目 鶴吐子其性好高飛能風能水故舟首畫之

鶴

爾雅註 鶴水鳥似鷺而短項腹翅紫白背上綠江

鷦

東呼烏鷦○旭按卽青鷦

爾雅註 鷦似烏鷦而大黃白文聲如鵠江東呼蚊母又呼吐蚊鳥俗說此鳥吐蚊

嶺表錄異 蚊母似青鷦嘴大而長食魚鳴則有蚊出其口俗云採其翅爲扇可避蚊

鷙

埤雅 一歲曰黃鷙二歲曰鷄鷙三歲曰鷦鷯今通名曰角鷙頂有毛角微起又曰題肩又曰征鳥又曰鷂鷂○旭按鷂或作鷇又省作來

駢雅 青骭鷹也

續廣雅 蒼鳥剛蟲鷹也

正字通 鷹梵書名嘶那夜

西番譯語 鷹西番呼克刺

本草綱目 按隋魏彥深鷹賦云嘴同鈎利腳等荆  
桔或白如散花或黑如點漆大文若錦細斑似纈身  
重如金爪剛如鐵毛文屢改厥色無常寅生酉就總  
號爲黃二周作鵠三歲成鵠雌則體大雄則形小察  
之爲易調之實難薑以取熱酒以排寒生於窟者好  
眠巢於木者常立雙骭長者起遲六翮短者飛急其

說鷹頗詳陳藏器曰食鷹肉療狐魅

綱鑑通俗 鷹無肫而有肚

夏小正 正月鷹則爲鳩

天中記 取鷹法七月二十爲上時內地者多塞外  
者少八月上旬爲次時八月下旬爲下時塞外鷹畢  
至矣

簪雲樓雜說 順治乙未高麗獻白鷹

入紘譯史 呂宋國有鷹王飛則眾鷹隨之若得禽  
必俟王取其睛羣乃食其肉

虎鷹

續博物志 虎鷹食虎豹其身大如牛翼廣二丈許

膺舅

續博物志 鷹舅似鷹而小蒼色能逐鷹又名鷹競

鷺

爾雅 鷺白鷺 註似鷹尾上白○旭按白鷺古今

注名鷺尾

崖

廣雁蕩山志 崖似鷹而大生海崖中每秋末渡海  
海人名曰崖蒼白者曰白崖又曰搗崖

鷗

正字通 鵬胡地鷙鳥狀似鷹而大土黃色毛長翅短好盤旋空中擊鴻鵠食之其毛落草中眾鳥毛皆自落其翮可爲箭羽俊者曰海東青黑者曰皂鵬大者曰鷩梵書名揭羅闍畏燕○旭按此卽小雅之鶡也鶡音團不音湻

羌鷩

本草綱目 羌鷩出西南夷鷩類也

正字通 羌鷩五采

鸚

西山經註 鸚似鷩黑文赤頸

鵠

西山經 三危山有鳥曰鵠狀似鸞而一首三身

鵠

正字通 鵠似鷹稍小其尾如船舵善高翔爾雅謂之茅鵠梵書謂之阿梨耶○旭按與上鵠異

爾雅

狂茅鵠 註今鶲鵠也似鷹而白○旭按鵠

與梟爲二物而正義云茅鵠卽下文之萑老鵠誤矣

曲禮

前有塵埃則載鳴鳩 註鳩鵠也鳴則風生

而塵埃起

續廣雅

風伯鳩也

續詩傳鳥名卷 鳴鳴能致雨並聚眾鳥其聲每以  
丁字始而連作條條聲以終之亦惡鳥也

數斯

西山經 皋塗山有鳥曰數斯其狀如鶠而人足食  
之已癭

雎鳩

爾雅 眇鳩王眇 註江東呼鷁好在江渚邊食魚  
○旭按今江淮有之人呼魚鷁

草木蟲魚疏 眇鳩大小如鶠深目目上骨露幽州  
人謂之鷺

本草綱目 鸚鵡雞也好啖蛇肉腥不可食

正字通 鸚能入穴取魚故一名下窟鳥又能翱翔  
水上扇魚令出故又名沸波

續詩傳鳥名卷 眇鳩南人名鶠北人名鷺總是一  
物今不學之徒謂是蒼鸚攷蒼鸚乃鶠屬非鳩類錢  
氏詩詁謂卽杜鵑更引杜詩以解王眇臆說尤可笑  
鄭樵通志則曰鳧類又曰尾邊一點白以陰附合於  
白厯尾白之說試問此類鳧今何名集傳亦云狀類  
鳧乃襲鄭說

毛詩集傳 雉鳩生有定耦而不相亂耦常並遊而

不相狎

鵠

爾雅 鶴負雀 註鵠也江東呼鶴善捉雀又名負雀○旭按鵠似鷹而小

鵠字

駢雅訓纂 芙蓉山有異鳥變形顧影不自藏恒爲羅者所得人呼鵠字

隼

草木蟲魚疏 孚鵠屬齊人謂之擊征或謂之翬肩或謂之雀鷹春化布穀○旭按隼卽正鵠之正也左

傳名鶠鳩楚詞名雄鳩莊子名鷗鳩爾雅名鶠鳩鶠  
鶠酉陽雜俎名阿鶠本草名鶠嘲正字通名鷗鶠北  
人又名鸕鷀其狀似鶠頭有青毛冠短尾黃黑色好  
高飛鳴則聲連屬如相貫

埤雅 鷹之搏噬不能無失獨隼爲有準

化書 隼憫胎 註擊物遇胎則釋之

獨雉

臨海異物志 獨雉似隼而黑色其鳴如人呼雞聲

鶠

草木蟲魚疏 鶠似鶠青黃色燕領鈎喙向風搖翅

乃因風擊鳩鴟燕雀食之。旭按鶲卽晨風也有生於土窟者名土鶲

鳩鳩

爾雅 鳩鳩鵠鷀 註今布穀也江東呼穫穀○旭  
按此卽居鵠巢之鳩也月令呼鳴鳩或又呼桑鳩又  
呼博穀又呼擊穀又呼郭公方言云卽戴鶩誤今二  
三月有之穀雨後鳴夏至後止

正字通 布穀名不一各因聲似而呼之如俗呼阿

公阿婆割麥插禾脫却破袴之類其鳴可爲農候

韻彙 布穀別名鶪

本草拾遺 布穀似鷁長尾飛則以翼相拂擊

禮記義疏 鷁化爲鳩鄭氏康成曰鳩搏穀也○旭按鷁以正月化鳩鳩以五月化鷁

毛詩集傳 鳩鳩養子朝從上下暮從下上均平如

一

杜鵑

駢雅 鶗鴂鶗鴂子鳩鳩杜鵑也

通雅 杜鵑杜字秭歸催歸子規謝豹一物也以鶗

鶗音題圭作子規者因顏師古註揚雄賦而誤也○

旭按郭註爾雅以鶗周爲子規亦誤詳燕下

正字通 楊雄賦鵠鷁乃鵠也顏師古以爲子規而陳無功李時珍皆爲所誤或曰子規乃不如歸去之鳥亦非子規乃鳴春去了者也人又呼怨鳥

本草綱目 杜鵑出蜀中南方亦有之狀似鵠色慘黑赤口有小冠每春暮向北而鳴入夏尤甚晝夜不止其聲哀切田家候之以興農事其性拙不能爲巢居他巢生子冬則蟄處土中肉可食

荆楚歲時記 杜鵑初鳴先聞者主別離學其聲令人吐血登廁聞之不祥厭法但作狗聲應之

博物志 杜鵑生子寄他巢百鳥爲飼之

鶲

續詩傳鳥名卷 鶲卽鶲舊作梟又作山鶲卽士

梟俱非其鳥狀如母雞貓頭鳬趾一名鶲鶲又名禍  
鳥以至人家多不祥周官名妖鳥爾雅名怪鶲晝常  
伏處好夜鳴每依樹作擊刮之聲似呼快降者有時  
噓噓作咻嚻之聲似呼休留者故一名快降鳥又名  
鶲鶲鳥至變音則咿唔綿長如夢中鼾齁然故又名  
呼春鳥又名春哥兜莊子言其夜能撮蚤察毫末楚  
詞又名驚鳥而郭璞陸璣輩註鴟鴞爭以鷦鷯小鳥  
當之於詩義不可通○旭按鶲名不一曰訓狐曰幸

胡曰雞鴟曰雞鵠曰鰐魂曰角鴟曰鈞鵠曰格其曰  
鴟鵠曰車載板曰轂轆鷹曰呼吟鷹曰夜食鷹曰鬼  
谷哥皆因所在而呼之今吾鄉呼貓頭鳥其頭如貓  
色黃黑而有斑好夜鳴其聲有時如老人呼笑然或  
說取其目吞之令人夜見鬼物

廣志 鴟楚鳩所生不能孳乳

經驗良方 凡風虛頭暉取鴟煮食並骨燒灰酒服  
良

樹表錄異 北方鴟鳴人以爲怪南方晝夜飛鳴與  
烏鵲無異桂林人更羅取之使捕鼠

毛詩集傳 鴟鴞乃鵠鵠惡鳥食子者也○旭按好食他烏子

鵬

赤雅 一種貓頭鳥喙狀似鷦鷯而大好放聲哭哭畢鳴曰深掘深掘者卽賈生所謂鵬也○旭按或說鵬卽鶠然賈誼傳明云似鶠則非鶠可知

鷩

寰宇記 鷩一名雲白鳥

廣志 鷩一名雲白鳥

洗冤錄 南海有鷩狀似鶠紫黑色赤喙黑目頸長

七八寸雄曰運日雌曰陰譜好食蛇入口卽爛其屎溺着石石亦黃爛飲水處百蟲吸之皆死巢下數十步草木不生人食其肉亦立死惟得犀角可解○旭按今廣東有之或說其聲如擊腰鼓

正字通 陶宏景言鳩如孔雀運日如黑儉雞作聲似云同力江東呼同力鳥按今交廣人言運日卽鳩並無如孔雀者

赤雅 鳩出邕州有二種一大如雅黑身赤目一大如鶠紫綠色頸長七八寸聲如羯鼓遇蛇則作邦邦聲或蛇在木石中則爲禹步以禁之使木倒石崩

本草綱目 蛇咬刮鵠喙塗之立愈

玉篇 鴟羽畫酒飲之立死

梟

續詩傳鳥名卷 梭一名流離爾雅作鵠鵠不孝鳥也生子以百日及長食母而飛故古人遇至日則磔梟懸首於木說文謂古制梟字取此爲義乃作釋鳥書者多不能分別每以梟鵠鵠三物相混不知鵠是鵠鵠乃鳶屬第與梟同爲惡鳥耳

爾雅 烏少美而長醜爲鵠鵠○旭按上文云崔老鵠又云梟鵠皆指此其類有穴土以居者故郭氏又

名士梟今處處山林有之其狀似鶲有兩耳俗說此鳥食母眼睛

黃鳥

北山經 軒轅山有鳥曰黃鳥狀似梟而白首其鳴自談食之不妒

竊脂

中山經 嵩山有鳥曰竊脂狀似梟而赤身白首畜之禦火

獸鳥

山海經圖 獸鳥似梟而三目有耳出首山

老鶴

酉陽雜俎 秦中有鳥如梟色青黃肉翅好食烟見人則埋首草穴中其聲如兒啼名老鶴

跂踵

中山經 復州山有鳥曰跂踵狀似梟而一足彘尾見則有疫

鷩

韻雅 鷩似梟所在之國亡

橐菑

西山經 輸次山有鳥曰橐菑狀似梟而人面一足

鶠

冬見而夏蟄着其毛不畏雷

鶠

韻雅 鶠似梟人面四目有耳見則旱

山海經圖 鶠似鶠而人面人手見則其國有放士  
出柜山

竦斯

山海經圖 竦斯出灌題山狀如雉而人面好躍

青鸕

拾遺記 羽山之北有善鳴之禽人面鳥喙八翼一

足毛色如雉曰青鸞其聲如鐘磬笙竽鳴則太平

鳬

山海經圖 鳩似雄雞人面見則有兵出鹿台山

瞿

南山經 禱過山有鳥曰瞿如狀似鶠而人面白首  
三足其鳴自號

鷺鵠

山海經圖 鷺鵠似烏而人面背飛晝伏出北囂山

甘蟲

杜陽雜編 大中末舒州有鳥人面綠毛嘴爪紺色

鳴曰甘蟲人因名之

蒼鶻

正字通 蒼鶻妖鳥也 一名鬼車鳥 一名九頭鳥狀  
如鵠鶻大者翼廣丈許

本草綱目 鬼車鳥自北而南曰出巢主雨自南而  
北曰歸巢主晴陳藏器曰卽孔子所見之奇鶴也荆  
楚歲時記以爲姑獲鳥誤○旭按此鳥身圓如箕赤  
色十頸九頭皆能鳴聲如小雞頸旁各有翼獨一頸  
無頭時滴鮮血今江北有之每天氣陰晦夜必飛出  
彼人言聞其鳴但作狗聲應之則遠去否則血滴屋

上必不祥

姑獲鳥

本草綱目 姑獲鳥名不一曰隱飛曰謳謳曰鈎星  
曰鬼鳥曰乳母鳥曰無辜鳥曰夜行遊女曰天帝少  
女其類純雌七八月夜飛陳藏器曰鬼類也衣毛爲  
飛鳥脫毛爲婦人或說產婦所化故胸前有兩乳喜  
取人子爲己子凡小兒夜露衣服於外若遇此鳥必  
點血爲誌令兒病驚癇及疳疾謂之無辜疳周禮云  
庭氏以救日之弓救月之矢射矢鳥卽此。旭按耳  
目記云周大足中秦州鄭家莊一男子日暮於路上

見一青衣婦人有姿色遂留至家同寢次日門不敢呼之不應乃就窗中窺之見腦骨頭顱在餘並食訖眾遂破戶入一物不見惟梁上一大鳥衝門去或云是羅刹魅據此則亦姑獲鳥之類與

鷦鷯

玉篇 鷦鷯怪鳥也

廣雅 鷦鷯自爲雌雄

鈎鵠

赤雅 鈎鵠不祥鳥也質短而聲如冷笑入城城空入宅宅滅聞者速避否則死亡

火鳥

談薈 燐人氏時有火鳥狀如鶲能以嘴啄樹令樹出火

治鳥

談薈 治鳥山獮也又名暉名蛟名山魅名山駒名灌肉名熱肉名飛龍其巢在樹根者又名猪都在樹半者名人都在樹尾者名鳥都左腋下皆有鏡印闊二寸一分

搜神記 越地深山有治鳥大如鵠青色穿樹作巢大如五六升器口徑數寸飭以土圭赤白相間狀如

射侯伐木者見此樹卽避之犯之則役虎害人燒人  
廬舍

說文外編 山猱出汀州

續博物志 山猱治鳥化形也畏爆竹

抱朴子 山之精似小兒獨足向後夜喜犯人名曰  
山猱呼其名則不爲害○旭按猱同魅卽獨腳鬼也  
又永嘉記云山鬼似人一腳好捕蟹就人火炙食之  
人不敢犯犯之則寒熱作白澤圖云山之精狀如鼓  
赤色一足名曰夔又曰獛文呼之可使取虎豹海錄  
雜事云嶺南有物似人獨腳反踵手腳皆三指牡曰

山丈牝曰山姑恒夜叩人門戶求金繪脂粉卽此類

周周

韓非子 鳥有周周者重首而屈尾飲於河必顛乃銜羽而飲

金吾

天祿識餘 金吾鳥名也主避不祥○旭按金吾首似美人而魚尾有兩翼其性通靈不寐見山海經雜述

囂

北山經 梁渠山有鳥曰囂狀如夸父四翼一目犬

酸與

北山經 景山有鳥曰酸與狀似蛇而四翼六目三足見則有恐

欽原

西山經 崑崙山有鳥曰欽原狀如蜂而大如鶩鳩  
蠶鳥獸則死蠶木則枯

帝江

山海經圖 帝江識歌舞神鳥也其狀如黃鸝而赤  
如丹火四翼出天山

鸚鵡

本草綱目 鸚鵡一名乾臯有數種綠者出隴蜀滇  
南交廣諸地大如烏鵲數百飛南人以爲鮓食紅  
者紫赤色大亦如之白者出西洋南番大如母雞五  
色者出海外均丹喙鈎吻長尾赤足金睛深目目瞼  
上下皆能貶動舌如嬰兒能言語指前後各二其性  
畏寒冷卽發顫如瘡而死惟飼以餘甘子可解○旭  
按鸚鵡白色者其頂有毛角時放花或淡黃色或綠  
色玲瓏可愛其毛以手撫之有粉粘指掌如蛱蝶翅  
廣輿記 鸚鵡產陝西四川廣東白者產瓜哇

隨蜀餘聞

鸚鵡有純赤而兩翅綠如翠者

比戶錄

畜鸚鵡勿以手觸其背犯者多病顫而卒

名鸚鵡竇

禽經註 鸚鵡以手拊其背則啞

倦游錄 海中有黃魚能化鸚鵡

清異錄 武宗名鸚鵡曰辯哥

正字通 鳥鵡李昉呼隴客或又呼西客梵書呼牒

陀

秦吉了

本草綱目 秦吉了一名了哥唐書作結遼鳥出嶺

南容管廉邑諸州大如鸚鵡紺黑色夾腦有黃肉冠  
如人耳丹喙黃距人舌人目目下連頸有深黃文頂  
毛有分縫能效人言音頗雄重畜者以熟雞子和飯  
飼之亦有白色者

廣輿記 秦吉了產兩廣及四川

時樂鳥

格物總論 時樂鳥似鸚鵡而毛尾全異其心尤聰  
慧非凡鳥也天下有道乃見

鷯鵠

正字通 鷯鵠峽中人呼烏鬼俗呼慈老人其喉如

沸湯魚入卽爛者先以繩繫其頸然後令入水取魚。旭按鷓鴣一名鶡又名摸魚公大於鴨毛黑色喙頭曲而尖卵亦如鴨子處處漁舟畜之

急救方 鷄薦骨燒灰水服治魚骨鯁頭骨尤良

鴨

正字通 鴨一名鷺一名家鳧一名舒鳧一名鵝鴨

陔餘叢考 鴨僅一雄者不能生卵須二三雄始有

子

本草綱目 鴨嫩者有毒老者乃益人其卵不可與鱈肉李子同食孟詭曰小兒食鴨卵令腳軟鹽藏者

良

急救方 溺水死者急以白鴨血灌之可活

嶺南雜記 鴨出廣城南雄府者名雄鴨嫩而肥醃而以蘇油漬之日久肉紅味尤鮮美

升渠鴨

洞冥記 元都翠水中有升渠鴨赤色每止於芙蓉之上唼其垂露一名垂露鴨又名丹毛鳩

鶲鴟

本草綱目 鶲鴟亦名鸞鷟陳藏器曰山溪有水毒處有之狀似鴨而大長項赤目斑嘴色紫紺如鶲鵠

其毛及屎燒灰水服制射工毒

鴛鴦

古今注 鴛鴦人得其一則其一相思而死故一名  
匹鳥

本草綱目 鴛鴦一名黃鵠梵書名婆羅迦隣限出  
南方棲土穴中大如鴨杏黃色有文采紅頭翠鬚黑  
翅黑尾紅掌頭有白長毛下垂至尾孟詭曰夫婦不  
和者私與鴛鴦肉食之卽相愛憐○旭按拾遺記云  
蓬萊山有鴛鴦形似雁棲息高岫石穴中足不踐地  
萬歲乃一交其雛千歲始學飛

譯史紀餘 鴛鴦百譯呼必刺法

正字通 鴛鴦夜宿雄翼右掩左雌翼左掩右

鶻鵠

正字通 鴻鵠游水中雄左雌右皆有式度故名又  
名溪鴨

本草綱目 鴻鵠似鴛鴦而色多紫一名紫鴛鴦陳  
藏器曰出南方有短狐處食短狐其形似鴨而小毛  
五彩頭有纓尾有毛如船舵

韓朋

太平廣記 大夫韓朋妻爲宋康王所奪朋因自殺

其妻亦自死後塚上有鳥如鴛鴦朝暮悲鳴南人以韓朋名之

鳩

古今注 鳩一名少卿。旭按爾雅云鶡沉鳩卽此今處處有之好夜飛俗名野鴨又名野鷺肉甚美本草綱目 鳩似鴨而小孟說曰九月以後立春以前可食大益病人日華曰不可合胡桃木耳豆豉同食

冠鳩

本草綱目 海中一種冠鳩頭上有冠乃石首魚所

化

海鳧

正字通 海鳧毛長三寸見則天下大亂

離渠

正字通 異渠相如賦作庸渠一名章渠一名章雞  
又名精列顏師古云卽水雞其狀似鳧而雞足灰色  
駢雅 庸渠帝渠也

鶴鷀

本草綱目 鶴鷀一名須贏一名水鷀一名鶴鳩一  
名刁鴨一名油鴨出南方狀似鳧而小著白文多脂

肉甚美能補中益氣陳藏器曰水鳥也鴨腳連尾不能陸行常在水中人至卽沉或擊之便起其膏塗刀劍不繡

鵠

中山經 青要山有鳥曰鵠狀如鳬青身赤目赤尾食之宜子○旭按爾雅云鵠頭鶉卽此又名魚鶉又名蛟獺其狀似鳬蛇頭長項腳近尾不能行常在水中冬月毛脫乃棲息溪岸邊

鵠

爾雅 鴟鵠鵠 註似鳬腳高毛冠江東人養之以

厭火災。○旭按卽斐雞也江淮有之大如鳩腳高喙長頭有紅毛冠翠鬣青脰水鳥也

正字通 鸔鵠一名交驢以目交而孕

絜鈎

東山經 磬山有鳥曰絜鈎狀似鳩而鼠尾善登木見則其國疫

鶡鶡

爾雅 南方有比翼鳥不比不飛其名曰鶡鶡 註

似鳩青赤色一目一翼相得乃飛。○旭按此卽西山經之蠻蠻也

鶡

鄭環記 比翼鳥雄曰野君 雌曰觀諱總名曰長離

爾雅正義 鶡一名鵠 雄者名鵠 雌者名鷩 其子名  
鳩

詩經彙纂 鶡初生曰羅鶡 至初秋曰早秋 中秋以後曰白唐

本草綱目 鶡大如雞雛 細頭無尾毛黑色有斑點  
雄者足高 雌者足卑 性畏寒夜飛晝伏 蝦蟇所化。  
旭按 鶡有化生者 有卵生者 故四時皆有其性 健鬪  
人畜於布囊中 遇敵則出令鬪 負者殺之

交州記 南海有黃魚九月化爲鶉炙食甚美

續詩傳鳥名卷 鶉居不巢不穴但偃伏草間

灤陽消夏錄 凡夜捕鶉先以藁秸插地如禾隴之  
狀乃布網於上以牛角作曲管肖鶉聲吹之鶉旣集  
微驚之使漸入藁秸中乃大聲驚之則飛起悉觸網  
矣

埤雅 鶉有常匹

毛詩紬義 鶉鵠二鳥顧野王混而同之誤

鶩

爾雅 鶩鵠母其子鷁 註鵠也青州人呼鵠母○

旭按鵠卽老鴈也其性不木棲禽經謂之籬鵠莊子謂之斥鵠郭璞謂之鵠雀高誘謂之冠雀狀似鵠而毛無斑點好晨鳴趣民收麥

夏小正 三月田鼠化爲駕八月駕爲鼠

臘乘 鶴今多作鵠不知鵠乃古鴨字

肥遺

西山經 英山有鳥曰肥遺狀似鵠而黃身赤喙食之已癘可以殺蟲

鶴

本草綱目 天將雨則鶴鳴故知天文者冠鶴今田

野間時有之陳藏器曰似鶴蒼色喙長好在泥塗間作鶴鶴聲村民云田雞所化○旭按此與燕屬之鶴不同

鶴

爾雅正義 鶴一名天鵠江東名天鶴卽告天子也山堂肆考 告天子褐色似鶴而小生海邊叢草中遇天晴霽則且飛且鳴直上雲端其聲連綿不已一名叫天子

鷓鴣

博物志 鷄鴣飛必南向一名懷南

本草綱目 鷓鴣一名越雉性畏霜露早晚稀出夜棲必以木葉蔽身好對啼其鳴曰行不得哥也其肉白而脆味勝雞雉孔志約曰鷓鴣生江南形似母雞其鳴云鈎軸格磔者是一種相似而不作此鳴者非也蘇頌曰鷓鴣似母雞頭似鶉臆前有白圓點如明珠背毛有紫赤浪文孟詭曰鷓鴣肉利五臟益聰明自死者不可食又不可與竹筍同食

正字通 鷄鵠江左名逐影

採蘭雜志 鷄鵠一名內史一名花豸

廣輿記 鷄鵠產湖廣能解毒

閩小記 閩山多鷗鵝行不得哥哥五字絕分明不似他鳥語須以意會也望之如家雞質若甚重權之祇十二兩

嶺南雜記 鷗鵝爲嶺南佳味

北戶錄 鷗鵝解野葛諸菌毒又辟瘧瘴

太平廣記 鷗鵝飛數逐月正月一起二月二起

古今注 鷗鵝鳴自呼

廣志 鷗鵝鳴曰但南不北

談薈 鷗鵝隨陽鳥也其雌鳴曰鈎輶格磔雄鳴曰行不得也哥哥

鳥

小爾雅 純黑反哺者謂之鳥○旭按卽慈烏也初生母哺六十日長則反哺六十日故又名孝鳥又名慈鴉北人名寒鴉好羣飛肉不遭臭和五味淹炙食之可治虛損

談薈 天將雨則鳥翅重

酉陽雜俎 凡人遠行鳥鳴而前引者有喜

述異記 烏未生毛者以丹和牛肉飼之及長毛盡

赤殺之陰乾搗服壽五百歲

白虎通 王者德及鳥獸則白鳥下○旭按周武王

時有赤烏銜穀種立於王屋見桂岩子同類相動篇

鴉鳥

爾雅 鸞斯鴉鶲 註鴉鳥也小而多羣腹下白江

東呼鴉鳥○旭按鴉說文作雅楚烏也一名鸞水經  
注名賈烏今俗名烏鴉又名老鴉其肉羶臭不中食  
又奉使日記云歸化城有鴉鳥較中國畧大而聲啞  
又燭道驛程記云過三分水山益奇麗上有神鴉四  
五常飛逐行舟過者必擲以肉飽卽歸岩洞

支雅 鴉鳥化鵠鵠亦化鴉鳥

本草綱目 鴉鳥肉治虛勞咳嗽臘月貯瓦瓶泥固

燒存性爲末每飲服一錢又治鬼魅及小兒癇疾  
續博物志 鴉千歲而五色

正字通 小雅弁彼鸞斯之斯乃語助詞爾雅連舉  
以爲鳥名非也

燕烏

小爾雅 白項羣飛者謂之燕烏○旭按此不祥鳥  
也爾雅名白脰烏水經注名蒼烏或又名鬼雀又名  
鵠鵠其狀似鳥而大

山鳥

爾雅 鳩山鳥 註似鳥而小赤嘴穴居出西方○

旭按此疑卽酉陽雜俎之鵠鳥也

哥嵐鳥

酉陽雜俎 哥嵐鳥出河西赤鳩鎮狀似鳥而大若  
翔鎮上多不利

駟餘

中山經 丑陽山有鳥曰駟餘狀似鳥而赤足

精衛

述異記 炎帝女溺死化精衛名自呼與海燕爲偶  
生子雌爲精衛雄爲海燕出東海一名冤禽一名志  
鳥俗名帝女雀

博物志 精衛似鳥文首白喙赤足常取西山之木石以填東海

鵠鵠

北山經 小僕山有鳥曰鵠鵠狀似鳥而白文

鷺

爾雅 鷺鶴鶴 許似鳥蒼白色

通雅 鷺一名阿濫堆

西陽雜俎 鷺色黃一變爲青鵠青灰色鵠之後乃至屢變橫理轉細臆前微微漸白

鶴鶴

北山經 馬成山有鳥曰鵩鵩狀似鳥白首青身黃足其名自叫食之不飢

鵩鵩

西山經 翼望山有鳥曰鵩鵩狀似鳥而三首六尾善笑可以禦凶

鶡

爾雅 鶡斲木

本草綱目 斫木小者如雀大者如鴉面如桃花喙足皆青色剛爪利嘴嘴長數寸舌尤長其端有針刺喙得蠶以舌鉤出食之

異物志 斫木有大有小有褐有斑褐者雌斑者雄  
埤雅 鴟能曲爪畫地爲印使穴之塞自開飛則以  
翼墁之

博物志 鴟能以嘴畫字令蟲自出

岣嶁神書 庚日取斲木血向西飲之則面赤如朱

山斲木

異物志 山中一種大如鴉青黑色頭上有紅毛者  
名山斲木又名火老鴉能食火

鵠

廣雅 鴟鵠鵠也

本草綱目

鵲鳴喈喈故名鵲色駁雜故又名飛駁

鳥靈能報喜故又名喜鵲性最惡濕故又名乾鵲佛

經名芻尼小說名神女大如鴉尖喙脩尾綠背白腹

黑爪尾翮有黑白駁上下飛鳴以音感而孕相視而

抱季冬始巢開戶背太歲向太乙若來歲風多則巢

卑下

正字通 鵲二月乳子

太平廣記 端午日午時焚鵲巢炙病者病立癒

禮記省度 鵲巢一歲一更

遜齋閒覽 鵲巢有隱木故鶩鳥不見

字典 鵠啄槐實結玉於腦曰鵠玉

支雅 朱提以南無鵠

山鵠

爾雅 鶯山鵠 正義鶯朝叫晴暮叫雨故說文以爲知來事鳥

正字通 山鵠似鵠有文采嘴足皆赤尾尤長不能遠飛今俗謂之山鵠鴟酉陽雜俎謂之赤嘴鳥○旭按此鳥好食蛇李時珍云卽戴鴟誤

練鵠

廣雅蕩山志 練鵠似鵠而小尾長色白○旭按卽

帶鳥也其狀似鵠鵠毛黃黑色頂上披一帶尾有長白毛如練然又名練鵠又名拖白練又名壽帶鳥吾鄉呼魂旛鳥言其尾如魂旛也廣韻作閻鵠亦有白色者又有紅色者

鵠鵠

拾遺記 漢章帝時條支國貢鵠鵠高七尺解人語  
○旭按異鵠有數種周昭王時有丹鵠唐貞觀時有  
白鵠羅浮山有毛五采之鵠貝嶠山有高一丈之鵠  
又坤輿外紀云伯西爾產長吻之鵠其吻與身等薄  
而光明

丁母鵠

墨客揮犀

夔峽間有丁母鵠似鵠差大雌雄不離

鶴鶴

爾雅

鶴鶴鶴鶴如鵠短尾射之銜矢射人疏鶴

鶴一名鶴鶴一名情羿言其捷勁雖羿之善射亦懈惰不敢射也

帶箭

嶺表錄異 帶箭似鵠羽毛黃綠間錯尾生兩枝長二尺餘直而不曲至稍有毛如箭羽

青耕

談蕡 青耕一名紅裙鳥

中山經 董理山有鳥曰青耕狀如鵠青身白目白喙白尾食之禦疫

嬰勺

中山經 支離山有鳥曰嬰勺狀似鵠赤目赤喙白身其尾如勺其名自呼

木客鳥

異物志 廬陵郡東有木客鳥大如鵠千百爲羣飛翔有度俗呼黃白色有翼有綬飛獨高者爲君長居前正赤者爲五伯正黑者爲鈴下細色而雜赤者爲

功曹左脇有白帶者爲主簿

鷗

西山經 翠山有鳥曰鷗狀如鵠而赤黑兩首四足  
可以禦火

戴勝

月令 季春戴勝降於桑。旭按卽戴鶯也一名戴  
頌 一名戴南 一名鷁鷗 一名鷁鷄爾雅名鷁鷄說文  
作鷁鷄語聲轉也 每歲三月田野間有之狀似鵠頭  
有冠丑色如勝毛有文采嘴足皆赤色方言云卽鷁  
鳩本草云卽鷁鳩俱非

朱來鳥

杜陽雜編 建中二年南方貢朱來鳥形類戴鷩紅  
嘴紺尾尾長於身巧解人語善別人意以玉屑和香  
稻飼之其聲甚寥亮

雲韶部

九華山志 雲韶部俗名音聲鳥居高峯每春暮秋  
初風輕烟緩聲響互發如聆簫韶○旭按此卽雁蕩  
山之山樂官也狀似金雀而大如練鵠羣鳴如作樂  
然或以爲卽金雀誤

紅尋

事物紺珠 紅尋一名搗藥鳥

談薈 搞藥鳥月下鳴曰克于當

我師

事物紺珠 我師出太和山良夜呼我師不止

迎客鳥

嶺南雜記 五色雀產羅浮山有佳客至卽鳴因名  
迎客鳥○旭按此卽上所謂五色之鵠

端琦

駢雅 端琦諫珂也 訓纂晉平公出朝有鳥環而不去以問師曠師曠曰東方有鳥曰端琦文身而赤

足憎鳥而愛狐君殆衣狐裘而朝耶平公曰然  
鴿

本草綱目 鴿卽鵠鴿一名飛奴梵書名迦布德迦  
○旭按鴿處處有之色不一每月生兩子其矢浸水  
蒸猪肝與小兒食可治疳積

正字通 凡鳥雄乘雌鴿雌乘雄

經驗良方 除夕煮白鴿飼小兒復以毛煎湯浴之  
則出痘稀少

事林廣記 白鴿血解藥毒及蠱毒

支雅 西蜀無鴿

鷦鷯

爾雅註 鷦鷯大如鴿似雌雉鼠腳無後趾歧尾爲鳥慄急羣飛出北方沙漠地 正義鷦鷯一名寇雉一名沃沃玉篇名冠雀又名突厥雀其足似人而有毛。旭按卽蕃雀也能食鳩鵠

博物志 鷦鷯出關西雌前雄後隨其行止

鰥

談薈 鰥灰色夷人呼木周兜。旭按此卽爾雅與鶡同穴之鰥也郭註云似鷦而小黃黑色餘詳鶡

下

天祿識餘 賦頂有毛角

鷗

說文 鷗水鷗也一名鷺

本草綱目 鷗者以其浮水上輕漾如漚也名水鷗者以其形似也名鷺者以其鳴聲也今南方湖海間有之其形如白鶴及小白雞長喙長腳羣飛耀日三月生卵羅願云青黑色誤

談苑

李昉呼鷗曰閑客。旭按陸龜蒙詩云一生

無事烟波足惟有江邊水谷公殆指此

海鷗

譯史紀餘 海鷗色白數百爲羣在漲海中與潮上下三月風至還島嶼○旭按此卽信鷗也一名信鳬其類能知風若海將大風必羣飛至岸渡海者以爲候

芙蓉鷗

清異錄 芙蓉鷗毛色如芙蓉○旭按閩小記云莆田九鯉湖中鷗皆粉紅色想卽此類

鱗烏

異物志 鱗烏似鷺而色白好羣飛二月以後化鯪魚

澤虞

爾雅

鷺澤虞

註今姻澤鳥似水鷺蒼黑色常在

澤中見人輒鳴喚不去俗呼護田鳥○旭按此卽本草之方目也李時珍云水鳥似鷗蒼黑色頭有白肉冠赤足漁人呼烏雞閩人呼姑雞西人呼蝦蟆護

祝鳩

說文

雉祝鳩也

字典

雉名不一曰隹其曰鳩鴟曰祝鳩曰鵠鳩曰

鵠鳩曰楚鳩曰荆鳩曰鵠鳩曰康鳩曰鶡鳩曰頌鳩曰乳鳩曰鶠鶡曰鵠鶡皆其異名也

蟲書卷一

六

羽蟲

李

本草綱目 斑鳩一名斑鶲一名錦鳩一名鵠鳩一名祝鳩其小而灰色及大而斑如梨花點者並不善鳴惟項下有斑如真珠者聲大能鳴其性慤孝而拙於爲巢祇架數莖往往墮卵天將雨卽逐其雌晴則呼而反之或曰雄呼晴雌呼雨其肉無毒食之不噎寇宗奭曰久病人食之補氣○旭按斑鳩卽祝鳩今之步姑也至鶉鳩與祝鳩非一物說見毛詩稽古編文選註 楚鳩一名嘒啁

綠鳩

嶺南雜記 綠鳩似斑鳩色綠相傳九月黃魚所化

粵東甚珍貴而粵西以充庖。旭按此與下綠鳩異  
鶡鳩

爾雅 鶡鳩鵝鷁○旭按鵝鷁高誘淮南子註作裨  
笠卽廣雅之車揭鷁柂也能逐鳥及鷹鵠故一名鴉  
舅江東名烏何或又名鐵鸚鵡南人名鳳凰皂隸三  
四月有之狀似鳩毛黑有冠先雞而鳴故京西村人  
名夏雞其聲如云加加格格者故或又名駕犁滇人  
名榷油郎歐陽修謂之鵝鳩鳥後人訛爲批鵝烏羅  
願云卽祝鳩李時珍云卽戴勝二說俱非

淮南子 烏力勝日而服於鰥禮 註鰥禮爾雅裨

笠也

青雔

正字通 青雔似鳩綠褐色一名黃褐侯  
駢雅 黃褐侯綠鳩也○旭按或說綠鳩一名鶠其  
類有五彩者名彩鳩

本草綱目 今夏月一種微帶紅色小而成羣者恐  
卽掌禹錫所謂黃褐侯秋化斑雔者也好食桑椹及  
半夏苗陳藏器曰黃褐侯聲如小兒吹竽

灌灌

南山經 青丘山有鳥曰灌灌其狀如鳩其音若呵

佩之不惑

念佛鳥

九華山志　念佛鳥大如鳩羽毛黃褐翠碧相間而成文其聲清滑如念佛一名念佛子○旭按或說念佛鳥毛青黑色又峩眉山有一種佛現鳥其山放光前一二日則鳴云施主發心菩薩來到光旣散又鳴云施主布施菩薩去了或亦此類又佛經言一種迦陵頻伽共命之鳥一身二首其鳥未出壳時卽發音微妙一切天人皆莫能及惟佛音似之

鵠

續詩傳鳥名卷 鴟爾雅作伯勞說文作博勞春秋

傳作伯趙名鷦者以其聲鷦鷯然也又名鷦鷯以鷦  
鷯通字也此鳥罕見人多妄指卽顏師古註漢書猶  
誤以爲子規其他紛紛愈不可憑通雅云卽姑惡苦  
吻鳥且謂蘇軾稱姑惡水鳥爲非夫蘇軾原非博雅  
鶴且不識何況他鳥但姑惡實非鷦禽經註云伯勞  
似鷦鷯喙黑今姑惡項有細毛羽不純黑不類鷦鷯  
不得相混○旭按伯勞姑惡苦吻鳥三者各不同伯  
勞大於鷦鷯體畧細而長姑惡小於鷦鷯毛黑喙赤  
而尖其鳴曰惡姑好在水邊樹上至苦吻鳥卽今之

苦鳥人罕得見但夜鳴其聲曰苦苦者是

埤雅 鶲能制蛇鶲鳴在上蛇盤不動

淮南子 伯勞之血塗金人不敢取

酉陽雜俎 取伯勞所踏枝鞭小兒令速語

反舌

字林 反舌鵠鶠也似伯勞而小。旭按反舌處處有之其狀似鵠鵠體畧細而長毛黑色喙甚尖色黃黑相雜立春後鳴其聲頗圓滑夏至後無聲十月以後則蟄處土中人亦有畜之者然至冬必死

本草綱目 反舌一名百舌俗名牛屎喇哥梵書名

舍羅好食蚯蚓陳藏器曰肉炙食治小兒久不語並殺蟲

山堂肆考 百舌一名望春江南人名喚春又名喚起

正字通 蔡邕以反舌爲蠟墓陳藏器以百舌爲黃鸝服虔以鵠鵠爲白脰鳥俱非

鵠鵠

正字通 鵠鵠身首皆黑兩翼有白點飛則見如書八字俗名八哥又名步鵠又名喇叭鳥萬畢術名寒臯

事類統編 鴟鵰 一名黝鳥其交以足勾足如鬪狀

往往墮地人若得之斷取可爲媚藥

爾雅翼 鴟鵰似鷦而有幘飛則成羣○旭按鴟鵰

初生皆無幘至秋後易毛幘始生

酉陽雜俎 鴟鵰目睛和人乳研滴目中能見雲霄

外物

淮南子 鴟鵰不踰濟

支雅 鴟鵰不踰嶺而白

幽明錄 五月五日剪鴟鵰舌端使圓可教學人語  
○旭按月朔皆可剪不必五月五日

賓師

臨海異物志 賓師大於鵠鵠毛正黑

山鳥

嶺南雜記 山鳥能作種種禽獸首亦能學人語其形似八哥臆前有黑色圓長者善鳴眼紅者善諛彼處多畜之

除溪鳥

臨海異物志 除溪鳥小於鵠鵠色黑天欲雨則鳴

報春鳥

顧渚山記 顧渚山有報春鳥小於鵠鵠蒼黃色正

二月鳴曰春起也三四月鳴曰春去也

山和尙

廣輿記 山和尙產廣西南寧府。旭按此鳥大於鵠鵠毛灰赤色黑頰兩翼有翠圓點吾鄉亦有之能學人言教法一如鵠鵠

兜兜鳥

酉陽雜俎 兜兜鳥正月後鳴五月後止其聲自呼

鶲鷺

臨海異物志 鶲鷺海鳥也喙長八寸夫欲風雨則入其喙於土中而鳴聲如嘯海師以爲候

鶯

字典 鶯卽黃鸝一名倉庚一名商庚一名鶯黃一名鸕鷀一名楚雀一名黃袍一名搏黍一名黃鳥一名金衣公子。旭按王會篇云方揚以皇鳥卽此今俗呼黃鸝夏鴈也。

草木蟲魚疏 倉庚或呼黃栗留俗呼黃離留

本草綱目 鶯左傳名青鳥淮人名黃伯勞處處有之小於鵠鵠毛黃色羽及尾有黑毛黑眉尖嘴青腳立春後鳴麥黃槐熟時尤甚其聲圓滑如織機應節趨時之鳥也冬則入田塘以泥自裹如卵然

觚臘 關內呼鶯曰水鴉兒

山海經 倉庚爲臘可以療姪

毛詩補疏 葛覃黃鳥於飛毛傳云黃鳥搏黍也此黃鳥乃指黃雀非黃鶯也黃鶯不啄粟不得名搏黍

畫眉

廣輿記 畫眉產四川

潛確類書 畫眉似鶯黃黑色其眉如畫巧於作聲如百舌。旭按畫眉吾鄉亦有之又有色純白者

桑鴈

爾雅 桑鴈竊脂 註俗呼青雀嘴曲食肉好盜脂

膏因名云。旭按卽蠟嘴也小於畫眉毛蓑褐有斑點嘴曲而厚淡黃色亦有白色者往歲游白下曾畜兩頭以黃豆擲空中雖高三四丈令飛而啄之百無一失焉又一種洋蠟嘴狀亦相似但畧小而嘴色紅詩經彙纂桑鴈有二種青質者嘴曲食肉好盜脂膏素質者其翅與領皆有文章

倒掛

閩小記

倒掛閩中呼倒垂蓮

廣輿記

倒掛產廣西及外譯百花等處好倒掛

旭按此鳥大如桑鴈紅嘴綠毛頗類鸚鵡能鳴一種

小而有斑如真珠者名真珠鳥

燕

說文 燕齊魯謂之乙

中華古今注 燕一名神女一名天女一名鷙鳥

炮炙論 燕一名游波

駢雅 鶡鴣元鳥燕也

正字通 燕有三種越燕多聲領紫俗呼紫燕又名  
鵠周陸璣云鵠周乃子規不知何據○旭按越燕或  
名秦燕或名漢燕

經義述聞 鵠周燕燕胤孫炎舍人以爲一物而郭

氏不取家大人曰此郭氏誤也說文云鵠鵠周燕也呂氏春秋云肉之美者鷺燕之翠鷺卽鵠之借字孫炎舍人以爲一物是也

譯史紀餘 燕百譯呼奴烟

爾雅正義 燕至冬毛脫多藏海濱城岸或深山空木中○旭按燕至冬多藏近水諸地其身尤輕一頭祇重錢許飛亦不高毛色亦因之少異

本草綱目 食燕肉入水爲蛟龍所吞

支雅 燕五百歲生胡鬚

京房易傳 人見白燕主生貴女

談蒼 燕白者名千歲燕陰乾末服一頭得五百歲

胡燕

正字通 胡燕似越燕而臆前白俗呼蛇燕

本草綱目 陶宏景曰胡燕巢能容二疋絹者家必

富

石燕

正字通 石燕似蝙蝠口方食石乳汁俗呼土燕

本草綱目 石燕冬月可食

海燕

嶺南雜記 海燕食海邊蟲蟲背有筋不化吐出而

爲窩綴於海山石壁之上土人扳援取之春取者白  
曰官燕夏取者黃次之中有紅者曰血燕治血痢惟  
秋冬不可取取則燕無所棲必凍死

廣東新語 崖州海中有玳瑁山其洞穴皆燕所巢  
燕大者如烏啖魚必吐沫以備冬月之食土人得之  
爲燕窩或曰海濱石上有海粉燕食之吐出爲燕窩  
閩小記 燕窩海燕所築余在漳南詢之海上人皆  
云燕喫小魚粘石上久而成窩有烏白紅三色烏色  
最下白色愈痰紅色益小兒痘疹最難得

護花鳥

戒庵漫筆

池州九華山有奇花上有護花鳥人欲

折花鳥則鳴云莫損花○旭按海錄碎事云惜春鳥

大不踰燕其聲曰莫摘花果人因呼護山雞殆卽此

卻火雀

杜陽雜編順宗卽位拘彌國獻卻火雀雌雄各一

頭毛黑大小類燕其聲甚清越置烈火中火自散

王母鳥

天祿識餘王母鳥似燕色紺翠尾甚長飛則開展

如兩旗杜少陵歌云王母畫下雲旗翻卽指此○旭

按酉陽雜俎云齊郡函山有鳥足青嘴赤素翼絳額

名王母使者疑卽此又山海經言王母山有三青鳥  
一名大鷩一名小鷩一名青鳥

鶴鵠

物類相感志 鶴鵠食雪一名雪姑

庶物異名疏 鶴鵠一名精列

正字通 鶴鵠背上青灰色腹下色白雞腳長尾尖  
喙額下黑如錢文杜陽人名連錢又名錢母○旭按  
此鳥大小類燕毛有黑白文飛則鳴行則搖吾鄉名  
石灰鳥爾雅名鰐渠或曰鰐渠卽庸渠非鶴鵠郭氏  
以爲一物誤又一種似鶴鵠而大毛亦有黑白之鳴

則自豎其尾者人呼四喜鳥又呼知風鳥因其向風而鳴也好食糞蛆俗說取其肉並骨炙酥飼小兒能健脾又一種似四喜鳥而大黑身白頭者名白頭翁

水雀

桂海虞衡志 水雀蒼色似鵠鵠常集戶庭與燕雀爲伍。旭按卽百靈也其狀似鵠鵠而大毛蒼白色有斑點匝項有黑毛能鳴

翡翠

上林賦註 雄赤曰翡雌青曰翠

博物志 翡身黑惟胸前背上翼後有赤毛翠身青

黃惟六翮上毛翠色。旭按此爾雅之鶡也大小類燕兩翼有翠毛吾鄉亦有之或說交廣南越諸地最多

魚狗

本草綱目 魚狗一名鷗一名天狗一名水狗一名魚虎一名魚師一名翠碧鳥。旭按此鳥好盤旋水上遇魚急下而啄之無有失者其大如鵠鵠喙色紅長二寸許項下白體毛紫赤色背上近尾處及六翮上有翠毛可以爲飾西山經所謂鷗如翠而赤喙者卽此今處處水邊有之穴土而居亦有斑白色者又

有黑白相間者

驴鷺

玉篇 驴鷺水鳥似魚虎蒼黑色。旭按今春夏間一種似魚虎而喙紅頭項白毛蒼黑者疑卽此

紅桐嘴

談薈 永康郡山谷中有鳥名紅桐嘴絳體若赭惟羽間差異人亦畜之然不能久。旭按往歲曾見人畜一鳥大如桑鷄長尾毛赤色蓋卽此

秋風鳥

粵西偶記 柳州衛公台下江水澄徹小魚簇浪而

來不可數計發刺一聲躍出水面卽成飛鳥未及生毛羽又罹羅網味甚脆美人名秋風鳥

雀

古今注 雀一名家賓

本草綱目 雀宿簷瓦之間馴近階除之際故一名瓦雀一名賓雀老者名麻雀俗名馬婦鳥處處有之羽毛褐而有斑頷嘴黑色頭如顆蒜目如擘椒尾長二寸許爪距黃白色躍而不步目夜盲性淫卵有斑能治婦人血枯陳藏器曰冬月食雀肉令人有子。旭按一種山麻雀體細而長毛赤黑色人亦畜之或

說辟邪

四書經註集証 雀相感必一俯一仰

支雅 雀生子應月三月三子四月四子

黃雀

廣輿記 嘉興產黃雀。旭按黃雀或說蛤所化其狀似雀毛青黃色八九月有之好羣飛肉可食脂甚厚蘇長公謂之披綿黃雀雄者能鳴

金雀

廣雁蕩山志 金雀似雀而色黃與黃雀相類。旭按卽芙蓉鳥之類

蟲臂卷一

羽蟲

七

蒿雀

本草綱目 蒿雀似雀青黑色常在蒿間塞外尤多味美

靈雀

本草綱目 靈雀蜜母也色黑南方正月有之好食蜜。旭按此物似雀而小尖喙修尾

王漁洋精華錄註 蜜母正月爲蜜蜂周行諸山求安處

憑霄雀

拾遺記 舜葬蒼梧之野有鳥如雀口吐五色之氣

名憑雀銜土成墳其鳥能反形在木則爲禽行地  
則爲獸

白翎雀

天祿識餘 湖濱之地有白翎雀雖窮冬沴寒不易  
其處

竹林

談薈 竹林產同州大如雀色正青善啼○旭按或  
說卽竹葉青

剖葦

爾雅 鴟鵟剖葦 註好剖葦皮食其中蟲故名江

東名蘆虎似雀青斑長尾

相思鳥

蓴鄉贅筆 相思鳥產越中飛必成雙人得其一則  
其一自至。旭按卽十姊妹也一名游香其狀似雀  
而毛有文采能鳴今人畜之一籠數頭

噉金鳥

酉陽雜俎 噉金鳥出昆明國形如雀黃色魏明帝  
時其國獻之飼以真珠及龜腦常吐金屑如粟宮人  
爭取之名牌寒金

鷦鷯

說文 鷦鷯桃蟲也一名鷦鷯俗呼黃脰雀喙銳如

錐

駢雅 鵠鷦鷯果蠃桑飛女匠巧婦桃雀過蠃工爵襪雀桃蟲也。旭按此卽荀子之蒙鳩大戴禮之𧔗鳩也又名巧雀又名巧女又名布母好鬪其狀似黃雀而小尖喙修尾毛灰赤色其聲如吹噓其巢大如雞卵以麻織成至爲精密古人言其卵能化鷦鷯然不敢信

候日蟲

八絃荒史 漢元封五年勒畢國獻細鳥以方尺玉

籠盛數百頭大如蠅狀如鸚鵡聲聞數里彼國人以此鳥候時名候日蟲帝置宮內後飛出有集宮人衣者輒蒙愛幸